

梵天廬叢錄

冊十



梵天廬叢錄二十一

慈谿柴

夢

小梵

妙判三十則

唐制選士判居其一。率用駢文。宋王回脫去四六。純用古文。人不能用。延及清初。猶存其制。判者多尚辭華。專工綺麗。雖不盡據理原情。全本律令。然以風流之案。寫錦繡之文。亦一時佳話也。近代士多不學。官亦淺陋。判詞批文。格成刻板。求其摘宋艷薰班香。誠稀如星鳳。予力為蒐集。得若干則。知不能繼唐張鷟龍筋鳳髓之作。而希蹤於聊齋誌異中。臘脂原判。則似覺此富於彼矣。

杭州何某與鄰人高氏女有盟約。高氏父母不知。別與陸姓議婚。女無如何。因偕何某同時縊死。仁和縣令唐仁植判令合葬。一時傳為美談。判云：勘得何兆福與高大姑生並小家住偏北屋。當門前作劇。尚兩小之無猜。迨樓上獨眠。遂三生之有約。彼踰牆而棲處。子固非禮所及。防此鑽穴而窺。丈夫抑又願所必遂。糊塗煞爹娘老眼昏久。無知繾綣。兮兒女私懷。茫然未察。以致卻平原之聘。徒悔噬臍。且益堅抱柱之誠。不容坦腹。轉瞬年已誤。生不適陸氏門。誰云泉路堪悲。死幸作何郎婦。遺言留楮墨。曾不渝同衾同穴之盟。畢命挂絲繩。要無忝匹夫匹婦之諒。本縣目擊雙懸。心憐共命。民彝本由物則。惟從一之足嘉。王

道原順人情。尚有終之能。正教必豫童牛之牯。踰閑難責諸蚩。
民風或殊艾。綴之歸。取節弗遺於侗俗。用捐廉楮。俾勒貞珉。歌
蒿借孔雀之詞。文梓起鴛鴦之冢。庶幾連理長榮。南國一坏永
傍西泠。此判。

吾浙金華府武義縣薛綱齋大令。以名進士。現宰官身。愛民勤
政。頌聲載道。因俞生員細故出妻。妻母張氏投縣呈控。當由薛
傳至內署。分別開導。夫婦均為之泣下。薛備輿送婦返俞。重敦
琴瑟。其判詞云。照得風首關雎。夫婦乃人倫之始。禮詳奠雁。婚
姻為王化之原。良緣既結。衿袂靜好。宜諧琴瑟。人況居近同里。
本珂鄉修桑梓之恭。均屬清門。非玉樹誚兼葭之倚。豈可冀陵

反目不思僇。僇同心。茲查俞秀才身列膠庠。誼諧名教。即勃谿偶形諸姑婦。宜調停曲盡乎家庭。胡為忽振雄風。遽爾恣傾覆。水夫順親誠為孝。冒不韙則其孝近愚。宜室主於和。交相謫則不和成慙。一紙之休書。輕遞萬人之清議。難逃。至如俞孫氏者。慈庇萱闈。夙恃掌珠之溺愛。幼凋椿蔭。莫懸心鑑。以相攸保。無性習嬌慙。偶或儀愆淑慎。豈甫作三旬新婦。即遽干七出明條。乃微嫌等挾積嫌。致嘉耦頓成怨耦。方占反馬。忽訝離鸞。憤剪香雲。惜截髮非留賓之譽。誓深皎日。甘傷心作棄婦之吟。夫也不良。我將安適。羌復五張六角。繫鈴人不善解鈴。空勞萬語千言。破鏡後倩誰圓鏡。大好鴛鴦。一朝折翼。互爭雀鼠。兩造成仇。

斯誠風化攸歸。宜令姻緣復合。王女成俾。式相好。金夫見豈不
有躬。公庭三尺。仗聯撮合之山。恨字十行。投熟無明之燄。在夫
母某某氏。盡捐嫌隙。啼三更月。冷再休愁。姑惡聞聲。而妻母某
某氏。深感圓全。羨兩袖芹香。本雅願。婿鄉修好。平情毋為已甚。
晚盍可滌前愆。曲諒曠夫怨女之痴情。仍完佳婦慈嫜之樂事。
代修鴛牒。飭備魚軒。轟動闔城。紅鸞星爭看重。照迎來內署。青
鳥使令導雙歸。此時案結琴堂。藉哉爾兩家訟喙。他日筵開湯
餅。方感余一片婆心。有厚望焉。其各懷之。此判。

桐鄉鄭生。就試有城。見一茶葉店女子。姿致嫣然。而悅之時。藉
買茶。以覘芳容。而慰渴思。未幾囊空如洗。惟積茶葉一箱。抵銷

費用。款歔惆悵。不能再往買茶矣。對門有麵店夥王八者。善詐騙。買茶情由。八具知之。乃造生自薦。願為月老。生喜甚。倉皇歸里。歷向戚友。歛得百金。挾以到省。命八轉與店主作財禮。八亦與生允帖。并誓定合卺日期。備作嬌客矣。至期。八竟遐舉。以問店主。店主固夢夢也。乍之。生憤甚。持帖赴縣。大哭擊鼓。錢塘令風雅吏也。審知端末。乃召店主。并緝王八至。謂店主曰。有婿若此。尚何求乎。我欲以汝女妻此生。汝許乎。店主曰。惟命是從。乃重行選吉。交拜成禮。仍着王八為媒。除追其百金外。又命罰喜筵。曰。今日弄假成真矣。判詞曰。勘得鄭生名未攀鳳。實事求凰。奈女跡異當壚。身仍待字。槐花滿地。明中成一笑之緣。奈葉為

媒暗裏逐三生之約典紫袍而沽酒。幸遇瑯琊返蘭權以釀金。毋忘桑梓。詎雙團扇將引紅鸞。而八公山忽杳黃鶴。成事幾乎敗事。神通端的誠通。阿翁無害冰清。快婿何慚玉潤。從此釵囊棟茗。不妨按前日之柔荑。想當裙佩移蓮。孰料踐今宵之羅襪。天使人以作合。餅店客師人奉天。而施行錢塘縣令。喜筵媒賂。騙案官銷。此判鄭生後責。奈女某氏贈孺人。

生員王大儒。與陳彩鳳。奸彩鳳之叔。控大儒於縣。縣官為斷合。其判詞曰。訊得王大儒。成童舞勺。名列東膠。弱冠談經。位尊西席。不肅馬融之帳。轉偷韓壽之香。啟北門鑰。而蕩乃春心。迷楚岫。踰東家牆。而棲其處子。夢繞陽臺。晝靜花明。隱鎖玉樓之

春色氈寒漏永。潛披繡戶之薰風。士也不良。昧攀龍之素行。人而無禮。愧相鼠之有皮。佻健是矜。庶隅弗飭。宜力加以鞭扑。用垂戒於宮牆。陳彩鳳年既及笄。許嫁而遽亡。所託身猶待字。擇偶而未有攸歸。會遊綺陌。遂誘狂童。路隔桃源。爰設漁舟。而待渡。牆高柳徑。不驚。叱吠以招。未。問字為媒。雅類宮人題葉。執經適館。竟同卓氏奔奔。既不能節比松筠。復甚至行虧珠玉。隱情敗露。辱及雙親。穢跡彰聞。禍罹三尺。亦宜加以桎梏之戒。以永絕其燕昵之私。陳鴻撫哲兄之女。自可比兒。負癡叔之名。不為相士。知女心之匪石。歸妹愆期。昧姆教之當嚴。閑家無則。紫燕銜泥。來畫棟。未知柳巷春深。杜鵑啼月。出疏林。不謂花梢露冷。

縱狂鶯之顛倒戲擲朱榴任雛鳳之翱翔擅離丹穴應愧藩籬
之弗設宜漸惟薄之不修遽爾鳴官竟匿食言之咎公然解究
並忘引盜之由此直自毀其家聲而復隱慚其手足既已疏於
防範且更拙於幹旋本縣當堂訊鞫盡得根由據案推詳頗深
憐惜女貌固美容如面郎才亦錦繡為腸當年共被謫瑤京此
日應重諧鳳侶而時非七夕漫思駕鵲渡銀河境判層霄妄冀
乘槎登月府宜乎風流道忽障雲屏而溫柔鄉頓成苦海也欲
為開釋先令輸忱五色彩筆強題箋幾致江郎才盡一幅紅羅
遙擲粉卻教倩女魂離憐爾等情慘此儺似不願鴛鴦中散既
本縣身為父母豈忍教鴻雁分飛即直吐之供詞思曲全之方

法雖民犯必繩以憲典。例在男當責而女當懲。而王道不外乎人情。還使內無怨而外無曠。用開一面之網。免褫青衿。更推三宥之恩。特加錦被。今王生未聘。許作館甥。陳女無家。歸為內子。千里姻緣。牽一線。朱繩原繫自老人。兩家風月。早雙清。綠字已通乎媒妁。正名伊始。合卺在今。紅錦裁雲。重奠雁。日麗華堂。紫簫吹月。並乘鸞。星輝畫閣。從此銀臺報彩。應知閭闔天開。玉燭調和。管教琅玕風靜。怨耦轉為嘉耦。黽勉同心。冰人判合。良人庶幾偕老。種得宜男草。茂繞砌祥凝。佇看含笑花開。滿庭香馥。因念日邊之紅杏。從今得傍雲栽。而天上之碧桃。嗣後還滋露種。宰官旣原情格外。叔孀毋貽詆闔中。少女得其士夫。非若薰

猶之異味。上賓齒於嬌客。宛如笙磬之同音。倘以劉阮之誤入天台。欲使參商之長離霄漢。則林第之言不踰闕。胡竟訴之公堂。宛邱之蕩洵有情。終無傳乎陌上。彰吾官法。適增玉女之羞。墮乃家聲。誰作金龜之婚。法緣情減。予不汝譴。此判。

有劉璞者。其妹已許裴九之子裴政矣。璞所聘孫氏。其弟潤亦已聘徐雅之女。而璞以抱病。俗有冲喜之說。父母擇吉完姻。婦翁以婚方病。潤以少俊。乃飾為女粧。代姊過門。將以為旬日計。草率成禮。父母謂子病不當近色。命其幼女伴嫂。而二人竟私為夫婦。逾日子病漸瘳。女家恐事敗。給以他故。邀假女去。事寂無知者。因女有娠。父母窮問得之。訟之官。官乃使孫劉為配。而

以孫所聘徐氏償裴其判詞云弟代姊嫁姑伴嫂眠愛女愛子
情在理中一雌一雄變出意外移乾柴近烈火無怪其然以美
玉配明珠適獲其耦孫氏子因姊而得婦棲處子不用踰牆劉
氏女因嫂而得夫懷吉士初非銜玉相悅為婚禮以義起所厚
者薄事可權宜使徐雅別婚裴九之配許裴政改娶孫郎之配
奪人婦人亦奪其婦兩家恩怨總息風波獨樂樂不若與人樂
三對夫妻各諧魚水人雖兌換十六兩原只一斤親是交門五
百年必非錯配以愛及愛伊父母自作冰人非親是親我官長
權為月老已經明斷各赴良期命黃堂輿從送歸私第此判
吾郡陳鈞堂先生康祺以名進士出宰蘇州之昭文凡遇艷案

常用四六妙判判龐氏東西交訟一牒尤屬巧思綺合先是龐
姓延金生菊如教讀龐素多疑忽謂其妾周荷姑及其婢銀銀
與生有私訟之公庭先生鞠之知為子虛乃當堂作判不加思
索頃刻而成以示堂下咸服捷才焉判云照得龐某控金生一
案研訊數堂迄無確供中聿不可言何況事無實據縲紲非其
罪肯教士也含羞本縣觀金生章句書生鄉村學究適子之館
未及半年招我由房盡通一面縱使國風好色豈忘君子懷刑
龐周氏貌尚端莊年非韶綺久已與龐公而偕隱何至見金夫
不有躬龐某生從名謁身襲崇封到堂數言亦知大體決不因
賔主失好自污污人大約別嫌明微欲整家門大範爭妍妬寵

難彌婦女芳情。周氏附中婦大婦之班。久處春帷而怨命。金生
少經師人師之訓。惟憑夏楚以收威。此才娟娟。或偶具西賓之
饌。羣雌粥粥。遂趁踰東家之牆。寵某偏聽人言。恐疎聞範。嫌疑
雖當自白。檢防未免過嚴。投牒公堂。初非好訟。今衆口雷同。兩
心冰釋。炎涼異性。菊荷非並蒂之花。貴賤殊形。金銀豈一爐之
冶。賓主未洽。別聘良師。妾婢無辜。仍還舊主。門楣善保。子孫必
可興昌。屋漏稍虧。鬼神詎能宥恕。倘核封職。專房有屬。無調象
馴獅弄之術。何妨開閣放姬。憐爾童生。就館不終。竟遇瓜田李
下之嫌。益宜守身如玉。此判。

婺源江峰青先生宰嘉善時。所有判狀。亦往往以詼諧出之。時

有李氏婦者素無行開設煙館私識一僧已又琵琶別抱該僧
不平遇婦與之為難婦乃扭僧到縣起訴先生援筆立判曰婦
女開煙館其人可知和尚過房親其事可想不道徐娘老去俏
賣風流那堪佛印重來更逢露頂兩雄不並立何分舊好新歡
一語未投機遂至摩拳擦掌金剛已相為努目菩薩又不肯低
眉孫悟空仗佛救而潛身猪八戒被魔纏而入筌津迷醋海興
波即在須臾水溢藍橋孟浪而投冰案既廉恥之盡喪實法律
所不容在逃者乃候訪拏到案者先行懲辦佛法當頭有棒合
予答臀婦人反面無情理應鞭背此身不是三摩地能容幾許
蒲團方盤托出大西人又了一重花案該氏看當堂具結永熄

煙燈該僧本鑽穴餘生裝成寶相編茲穢史污我彩毫凡爾沙彌毋為和障此判

粵之恩平城內客民龐某魯省人設藥肆有年善居積年逾三十尚無家室會城西劉四與妻王氏不睦願將該氏出賣龐以一千四百串文購而藏諸金屋以為半世鰥居從此得向雙飛之樂矣詎意花燭良辰依然錦衾獨宿龐計無所施遂趨劉為局騙赴縣呈訴呈文曰商人幼習詩禮壯業岐黃離別家山遠來治境筆難引鳳淒涼影隻形單曲奏求凰寂寞春花秋月爰倩冰人言尋玉女適值城西響水河北地方有劉四之妻王氏者素本反目志在下堂因撮合之有人遂從容而改嫁論芳齡